



UNIVERSITÄTS-  
BIBLIOTHEK  
PADERBORN

**Clarissimi Viri Henr. Zoesii Amersfortii, In Academia  
Lovaniensi I. V. D. Et Antecessoris Commentarius In Jus  
Canonicum Universum, Sive Ad Decretales Epistolas  
Gregorii IX. P. M.**

**Zoesius, Hendrik**

**Coloniae Agrippinae, 1691**

Titulus VII. De Institutionibus.

---

[urn:nbn:de:hbz:466:1-62329](https://nbn-resolving.org/urn:nbn:de:hbz:466:1-62329)

causâ cognitâ à Rom. Pont. quo modo loquitur canon. *Petiti* vii. q. 1. & Trid. Sess. 25. c. 7. *De reform.*

## TITULUS VII.

## De Institutionibus.

## SUMMARIUM.

1. *Institutio quid?*
2. *Ius instituendi ad quem spectat.*
3. *Examen instituendorum ad Episc. spectat.*
4. *Inductio in possessionem qualiter fiat, & à quo?*

**I** Post acceptationem beneficii sequitur Institutio: quæ interdum pro confirmatione electionis ponitur, interdum pro imaginaria beneficii traditione, interdum & collationem includit; propriè tamen ab ea differt, cum collatio sit libera, hæc autem necessario facienda ad alterius præsentationem: estque non libera beneficii translatio, facta legitima auctoritate. Præterea institutio est ipsius personæ, quæ instituitur; collatio vero beneficii quod confertur.

2. Spectat communi iure ad Episcopum, aut huius consensu ad ejus vicarium, c. 3. h. t. Azor. p. 2. lib. 6. c. 22. Sede vacante spectat institutio præsentatorum à patronis ad Capitulum, non etiam eorum, quæ ad liberam Episcopi collationem pertinent, c. 1. eod. in 6. qua de re infra Tit. 9. De consuetudine vel privilegio etiam ad inferiores spectat, c. pen. h. t.

3. Est autem Episcopi instituendos ab inferioribus nominatos ad curam prius examinare, ne indigni intrudantur: exceptis iis, qui ab Universitatibus seu collegiis Studiorum generalium præsentantur, aut nominantur, Trid. Sess. 7. c. 13. *De reform.* & Sess. 24. c. 18. *De reformat.* quod præsumantur idonei. De origine, id est patria instituendi, non est disputandum, cum in omni gente qui facit justitiam, acceptus sit eo, c. 5. h. t. quamvis data paritate, incola non potest præponere digniori externo, citra peccatum, ut probatum supra, *De elect. nu.* 44. Non recipiendi autem plures, quam Ecclesiæ aut Monasterii fecit facultas, cap. 1. & 4. hoc tit.

nec admittendi laici spiritualium incapere, c. 2. h. t.

Institutionem subsequitur missio in corporealem sive actualem possessionem, quæ iure spectat ad Archidiaconum; sup. *De officio Archid.* Varii ejus sunt ritus. In Abbatiis inductio in templum, collocatio in sede, & Canonico adsignatio loci in Choro & Capitulo in Pastore ingressu templi, aspectus super benedictâ, osculum Altraris summi, pullus circumpanæ. Videatur Rebuff. in *Concord. tit. De Inductio*. Inductio in realem possessionem, cum beati magis sit, etiam in laicum cadit, & impropriè sumpto nomine designari per institutionem solet, quæ propriè sumpta, cum jure sit in laicum cadere non potest; ut juris spiritualium incapere. *Wamel. Conf.* 23. nu. 6.

## TITULUS VIII.

## De concessione præbendæ &amp; Ecclesiæ non vacantis.

## SUMMARIUM.

1. *Beneficia quando & quot modis vacantur.*
2. *Beneficia uti vacantia qua rectè impetrentur.*
3. *Beneficii non vacantis collatio nulla, & pena illud impetantis.*
4. *Supplicans pro beneficio vivens an incurrat penam?*
5. *Provisio talis ignorantis facta est extrajurata.*
6. *Per vacationem subsequentem collatio non valet?*
7. *An & superveniente devolutione, ante facta?*
8. *De beneficiis non vacantibus rectè procedi S. P.*
9. *Nominandi jus ad beneficia primo vacantia Universitatibus concessum.*

**V** T collationes præbendarum & institutiones jure factæ censentur, oportet earum sint, quæ ante vacabant. Vacant dicuntur, quæ possessore destituta, quod contingit tripliciter. Primum, de facto tantum, quando possessione facti magis quæ est destituta, quam titulo aut jure, nisi